

Ո Ր Ո Շ ՈՒ Մ

Վարչական իրավախախտման գործով գանգատն առանց բավարարման, իսկ որոշումն անփոփոխ թողնելու մասին

22.01.2018թ.

ք.Երևան

Ճանապարհային ոստիկանության պետ, ոստիկանության գնդապետ Եգոր Կարապետյան, վերանայելով Անդրանիկ Հարությունյանի դիմումի շուրջ ստեղծված նյութերը՝

Պ Ա Ր Զ Ե Ց Ի


2017թ. դեկտեմբերի 29-ին Երևան քաղաքի 16 թաղամասի 45 շենքի 17 բնակարանի բնակիչ Ա.Հարությունյանը դիմել է այն մասին, որ ստացել է վարչական տույժ նշանակելու մասին ԱԴ 284860 որոշումը, որի հետ համաձայն չէ, քանի որ չի խոսել բջջային հեռախոսով, այլ ողղակի պահել է իր ձեռքում: Դիմումատուին հայտնել է նաև, որ տեսուչը պահանջել է իր փաստաթղթերը և, առանց որևէ հիմնավոր փաստերի, կազմել վարչական իրավախախտման վերաբերյալ արձանագրություն:

Դիմումի ուսումնասիրությամբ պարզվել է, որ 2017թ. դեկտեմբերի 14-ին, ժամը 15:00-ին Երևան քաղաքի Կոմիտասի պողոտայում Ա.Հարությունյանի կողմից վարած «Մերսեդես» մակնիշի 33 UP 481 հաշվառման համարանիշի ավտոմոբիլը կանգնեցվել է ճանապարհային ոստիկանության ուղեկցող սպայական վաշտի 2-րդ սպայական դասակի ավագ տեսուչ, ոստիկանության մայոր Վ.Շահբազյանի և նույն դասակի տեսուչ, ոստիկանության կապիտան Գ.Մադոյանի կողմից ճեմԱՄՕ-ի խախտման համար, այն է՝ վարորդն ընթացքի ժամանակ մեկ ձեռքի օգնությամբ օգտվել է բջջային հեռախոսակապից: Վարորդի նկատմամբ կազմվել է վարչական իրավախախտման վերաբերյալ արձանագրություն և, ՀՀ ՎԻՎ օր-ի 124-րդ հոդվածի 11-րդ մասի համաձայն, կայացվել ԱԴ 284860 որոշումը՝ վերջինիս 5.000 ՀՀ դրամ տուգանելու մասին:

Ըստ ծառայողների կողմից տրված գրավոր բացատրությունների՝ նշված իրավախախտումն եղել է ակնհայտ և իրենց համար պարզ տեսանելի: Սահմանված կարգով, Ա.Հարությունյանի կողմից վարած «Մերսեդես» մակնիշի 33 UP 481 հաշվառման համարանիշի ավտոմոբիլը կանգնեցնելուց հետո, Գ.Մադոյանը մոտեցել է վարորդին, ներկայացել, պարզաբանել իրավախախտման բնույթը, պահանջել փաստաթղթերը և վերջինիս նկատմամբ կազմել է վարչական իրավախախտման վերաբերյալ արձանագրություն: Վարորդը հրաժարվել է ծանոթացել կազմված արձանագրությանը, ստորագրել այն, ինչպես նաև հրաժարվել է ստորագրել և տեղում ստանալ որոշման պատճենը:

2018թ. հունվարի 11-ին հեռախոսակապի միջոցով, իր դիմումի քննարկմանը մասնակցելու նպատակով, քաղաքացի Ա.Հարությունյանը հրավիրվել է ճանապարհային ոստիկանության ճՊԾ բաժին, սակայն վերջինս հայտնել է, որ դիմումին ավելացնելու ոչինչ չունի, խնդրել է քննարկել և արդյունքների մասին տալ գրավոր պատասխան:

<<Ճանապարհային երթևեկության անվտանգության ապահովման մասին>> ՀՀ օրենքի 17-րդ հոդվածի համաձայն՝ ճանապարհային երթևեկությունը կարգավորող ոստիկանության ծառայողը պարտավոր է կանգնեցնել տրանսպորտային միջոցը, եթե ակնհայտ կամ տեխնիկական միջոցների օգտագործմամբ երևում է, որ վարորդը խախտել է ճանապարհային երթևեկության կանոնների պահանջները: Նույն հոդվածի 8-րդ մասի համաձայն՝ երթևեկության սահմանված արագության գերազանցման և տրանսպորտային



միջոցների ապակիների լուսաթափանցելիության սահմանված չափի խախտումների համար պատասխանատվություն է առաջանում, երբ տվյալ խախտումը փաստարկված է համապատասխան տեխնիկական միջոցների կիրառմամբ:

Այսպիսով, կատարված ուսումնասիրություններով պարզվել է, որ Ա.Յարությունյանի արարքում առկա է Վարչական իրավախախտումների վերաբերյալ ՀՀ օրենսգրքի 124 հոդվածի 11-րդ մասով նախատեսված դեպքը, ուստի ելնելով վերոգրյալից և ղեկավարվելով Վարչական իրավախախտումների վերաբերյալ ՀՀ օրենսգրքի 293-րդ հոդվածի 1-ին մասի 1-ին կետով՝

Ո Ր Ո Շ Ե Ց Ի

1. Անդրանիկ Յարությունյանի դիմումը թողնել առանց բավարարման, իսկ ճանապարհային ոստիկանության ուղեկցող սպայական վաշտի 2-րդ սպայական դասակի տեսուչ, ոստիկանության կապիտան Գ.Սադոյանի կողմից կազմված վարչական իրավախախտման արձանագրության հիման վրա 2018թ. դեկտեմբերի 14-ին կայացված ԱԴ 284860 որոշումը՝ Անդրանիկ Յարությունյանին հինգ հազար դրամ տուգանելու մասին՝ անփոփոխ:

2. Սույն որոշման օրինակներն ուղարկել ճանապարհային ոստիկանության վարչական գործունեության բաժանմունք և դիմումատուին:

3. Սույն որոշումը կարող է բողոքարկվել ՀՀ վարչական դատարան՝ օրենքով սահմանված կարգով և ժամկետներում:



Կատարող՝ Ա. Ստեփանյան
հեռ. 011-567944